



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-226-4/22**
Datum: **01.08.2022. godine**

«Agencija za vodno područje rijeke Save» rješavajući po zahtjevu Javnog preduzeća «VODOKOM» d.o.o. Kakanj za donošenje rješenja o vodnoj dozvoli za zahvatanje vode sa otvorenog vodozahvata na rijeci Bukovica a za potrebe snabijevanja pitkom vodom potrošača na području općine Kakanj, na osnovu člana 139. stav (1) tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola Javnom preduzeću «VODOKOM» d.o.o. Kakanj za zahvatanje vode sa otvorenog vodozahvata na rijeci Bukovica kapaciteta 130l/sec a u svrhu snabijevanja pitkom vodom potrošača na području općine Kakanj.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se predmetni objekti održavaju u funkcionalnom stanju u skladu sa njihovom namjenom i izdatim vodnim aktima.
 - 2.2. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenja ili uništenja.
 - 2.3. Da korisnik predmetnih objekata obezbijedi stalni i sistematski pregled vode od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.4. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o higijenskoj ispravnosti vode za piće («Službeni glasnik BiH», broj 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.5. Da se u cilju kontrole, evidencije i plaćanja količina zahvaćene vode vrši mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode («Službene novine Federacije BiH», broj 83/08).
 - 2.6. Da se zahvaćena voda prečišćava na postrojenju za pripremu pitke vode primjenom odabrane tehnologije koja će dati vodu za piće propisanu važećim Pravilnikom o higijenskoj ispravnosti vode za piće.
 - 2.7. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora i drugih komponenti iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
 - 2.8. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži a u skladu sa Pravilnikom o higijenskoj ispravnosti vode za piće.
 - 2.9. Da se uredno vodi dnevnik rada u koji će se unositi podaci o postupku hlorinacije i potrošnji svih hemikalija.
 - 2.10. Da se na području vodozahvatne zone sprovode zaštitne mjere za izvorište, a po Odluci o zaštiti izvorišta vode za piće za grad Kakanj sa rijeke Bukovice-vodozahvat Bukovica donesenoj dana 28.10.2010. godine na 200. sjednici Vlade Zeničko dobojskog kantona (broj: 02-25-28964/10). Ova Odluka je bazirana na tada važećem propisima, a u

međuvremenu je donesen novi Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», broj 88/12). Usklađivanje postojeće Odluke je obavezno izvršiti prema Prijelaznim i završnim odredbama, član 15. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje.

3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjeranjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170. stav (1) tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).
4. Korisnik objekata je obavezan da redovno plaća posebne vodne naknade za korištenje voda u skladu sa propisima.
5. Prava stečena po ovoj dozvoli ne mogu se prenositi na treća lica.
6. U ovoj upravnoj stvari plaćene su sve upravne takse.
7. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
8. Po isteku važenja ove vodne dozvole korisnik je dužan ovoj Agenciji podnijeti zahtijev za izdavanje nove vodne dozvole.
9. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
10. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, Javno preduzeće «VODOKOM» d.o.o. Kakanj obratilo se ovoj Agenciji dana 13.05.2022. godine sa zahtjevom za izdavanje vodne dozvole za zahvatanje vode sa otvorenog vodozahvata na rijeci Bukovica kapaciteta 130l/sec a u svrhu snabdijevanja pitkom vodom potrošača na području općine Kakanj.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-22-000423 izdatog dana 17.02.2022. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 15.08.2011. godine od strane Porezne uprave Federacije BiH – Kantonalni porezni ured Zenica,
- Kopija Uvjerenja o registraciji obveznika indirektnih poreza broj: 04/1-17-1-35-230-4/12 izdatog dana 11.04.2012. godine od strane Uprave za indirektno-neizravno oporezivanje Banja Luka,
- Punomoć zastupnika podnosioca zahtjeva broj: 5143-5/22 od 13.05.2022. godine,
- Kopija katastarskog plana za parcele označene kao k.č. broj: 2521/1 i 1644/2 K.O. Poljani, općina Kakanj izdatog dana 12.05.2022. godine od strane Službe za imovinsko pravne, geodetske poslove i katastar nekretnina Općina Kakanj,
- Posjedovni list broj: 642 za parcelu označenu kao k.č. broj 1644/2 i izvod iz posjedovnog lista broj: 138 za parcelu označenu kao k.č. broj: 2521/1 K.O. Poljani izdati dana 12.05.2022. godine od strane Službe za imovinsko pravne, geodetske poslove i katastar nekretnina Općina Kakanj,
- Kopija Rješenja o vodoprivrednoj dozvoli broj: 05-25-3415-2/06 izdatog dana 29.08.2007. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Pravilnik o održavanju, korištenju i osmatranju vodoprivrednih objekata JP «Vodovod i kanalizacija» Kakanj, 2003. godina,

- Kopija Odluke o zaštiti izvorišta vode za piće za grad Kakanj sa rijeke Bukovice – vodozahvat Bukovica, broj 02-25-28964/10 donesene 28.10.2010. godine od strane Vlade Zeničko-dobojskog kantona,
- Kopija Rešenja o vodnoj dozvoli broj: UP-I/25-3-40-191-4/17 izdatog 08.06.2017. godine od strane «Agencije za vodno područje rijeke Save» Sarajevo,
- Kopija Rješenja o korištenju saniranih postojećih i novoizgrađenih postrojenja za prečišćavanje vode Bukovica broj: 0-01/1-773/06 izdatog dana 06.06.2006. godine od strane Općinskog načelnika općine Kakanj,
- Elaborat zaštitnih mjera i određivanje zona sanitarne zaštite vodozahvata Kakanj-Bukovica, urađen od strane «Zavoda za vodoprivredu» d.d. Sarajevo, juli 2007. godine,
- Glavni projekat sanacije Postrojenja za preradu vode «Bukovica» Kakanj, knjiga 1 – Tehnološko-građevinski dio, urađen od strane «Rolling» d.o.o. Sarajevo, mart 2005. godine – na uvid,
- Spisak dokumentacije predate na revers broj: 5141-5/22 od 13.05.2022. godine (dokumentacija vraćena 18.07.2022. godine)
- Kopija Izvještaja o ispitivanju vode za piće urađenog dana 08.07.2022. godine od strane Instituta za zdravlje i sigurnost hrane Zenica,
- Elaborat – zaštitne mjere i određivanje zona sanitarne zaštite vodozahvata Bukovica urađen od strane «IBIS» d.o.o. Zavidovići (broj: 20-IB-EL/18, septembar 2018. godine) – na uvid,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog vodozahvatnog objekta na rijeci Bukovica, općina Kakanj te je sačinjen zapisnik o izvršenom uviđaju broj: UP-1/21-3-40-226-3/22 od 18.07.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe vodosnabdijevanja stanovnika Kaknja izgrađen je otvoreni tirolski vodozahvat sa pjeskolovom na desnoj obali rijeke Bukovica. Izvorište je locirano istočno od grada u blizini naselja Kraljeva Sutjeska odnosno Poljani oko 2,5km uzvodno od ušća rijeke Bukovica u Trstionicu (desna pritoka rijeke Bosne). Područje izvorišta obuhvata k.č. broj 2521/1 i 1610 K.O. Poljani, općina Kakanj. Vodozahvatni kanal je izveden okomito na smjer tečenja rijeke i uveden u objekat pjeskolova. Pjeskolov je zatvoreni betonski objekat dužine 30m, presjeka 1,8x2,5m sa trapeznim koritom u dnu širine 0,5m i visine 0,7m. Na početku i kraju vodozahvatnog kanala izvedeni su tablasti zatvarači sa vretenom i točkom dim. 0,6x1,0m, a za čišćenje taloga na pjeskolovu ugrađen je muljni zatvarač $\phi 500\text{mm}$.

Zahvatanje vode se vrši iz zahvatnog okna u koji voda dolazi preljevanjem preko preljevne ivice dužine 1,8m. Prije ulaska vode u zahvatno okno, voda prolazi kroz finu rešetku tečenjem odozgo, tako da se materijal koji se nije istaložio u pjeskolovu zadržava na finoj rešetki. Čišćenje i pražnjenje cjevovoda vrši se povremeno otvaranjem muljnog zatvarača, a ispuštanje se vrši ispusnim cjevovodom $\phi 500\text{mm}$ u rijeku nizvodno od vodozavata. Zahvaćena voda se dovodnim cjevovodom $\phi 400\text{mm}$ dužine $L=1,1$ km transportuje do postrojenja za tretman vode (kapacitet postrojenja 130 l/s) koje je u potpunosti sanirano 2006. godine.

Na dovodnom cjevovodu u objekat postrojenja (na ulazu u koagulacionu komoru) ugrađen je induktivni mjerač protoka. Kontrola kvaliteta zahvaćene vode vrši se redovno od strane ovlaštene laboratorije.

Prva zaštitna zona izvorišta Bukovica u kojoj je lociran vodozahvatni objekat – tirolski zahvat sa pjeskolovom lociranim na desnoj obali rijeke Bukovice, je propisno ograđena i zaštićena od neovlaštenog pristupa a sve u skladu sa odredbama postojeće Odluke o zaštiti izvorišta vode za piće za grad Kakanj sa rijeke Bukovica-vodozahvat Bukovica od 28.10.2010. godine.

Podnosilac zahtjeva nije ispunio uslov iz tačke 2.7. prethodno izdatog Rješenjem o vodnoj dozvoli (broj: UP-I/25-3-40-191-4/17 od 08.06.2017. godine) kojom je traženo da se izvrši usklađivanje Odluke o zaštiti izvorišta sa odredbama Pravilnika o načinu utvrđivanja uslova za određivanje zona

sanitarne zaštite i zaštitnih mjera za izvorišta vode za javno vodosnabdijevanje («Službene novine Federacije BiH», broj 88/12). Novi Elaborat o zaštitnim zonama izvorišta je urađen od strane «IBIS» d.o.o. Zavidovići, septembar 2018. godine. Prema izjavi predstavnika podnosioca zahtjeva, u toku su aktivnosti oko donošenja nove Odluke o zaštitnim zonama predmetnog izvorišta.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz prethodnog Rješenja o vodnoj dozvoli (broj: UP-I/25-3-40-191-4/17 od 08.06.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 10.06.2022. godine konstatovano je da podnosilac zahtjeva Javno preduzeće «VODOKOM» d.o.o. Kakanj redovno izmiruje svoje obaveze uplate posebnih vodnih naknada. Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-226-2/22 od 17.06.2022. godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata Javno preduzeće «VODOKOM» d.o.o. Kakanj, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64., 66. i 116. Zakona o vodama i članovima 13. i 14. Pravilnika o sadržaju, obliku i uslovima i načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07).

Konstatuje se da je podnosilac zahtjeva, Javno preduzeće «VODOKOM» d.o.o. Kakanj, ispunio minimum uslova za izdavanje vodne dozvole za zahvat vode sa otvorenog vodozahvata na rijeci Bukovica kapaciteta 130l/sec a u svrhu snabdijevanja pitkom vodom potrošača na području općine Kakanj te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- Javno preduzeće «VODOKOM» d.o.o. Kakanj
ul. Alije Izetbegovića br. 51/1, 72240 Kakanj
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava